



KEMENTERIAN PERPADUAN NEGARA
ARKIB NEGARA MALAYSIA

SIARAN MEDIA

MAJLIS BACAAN YASSIN DAN TAHLIL dan

BICARA NEGARAWAN: SENIMAN AGUNG ALLAHYARHAM TAN SRI P. RAMLEE

KUALA LUMPUR: 11 Mei 2023 – Majlis Bacaan Yassin dan Tahليل bersempena 50 Tahun pemergian Allahyarham Tan Sri P. Ramlee telah diadakan awal pagi ini di Masjid Negeri Pulau Pinang yang turut dihadiri T.Y.T Tun Dato' Seri Utama Ahmad Fuzi bin Haji Abdul Razak, Yang di-Pertua Negeri Pulau Pinang.

Majlis Bacaan Yassin dan Tahليل anjuran Arkib Negara Malaysia tersebut diserikan dengan kehadiran YBhg Dato' Mohd Kazim Elias Al-Hafiz yang menyampaikan ceramah bertajuk "Seniman Agung Allahyarham Tan Sri P. Ramlee, Ikon Perpaduan Kaum dan Usaha Meningkatkan Syiar Islam Melalui Karya Seninya".

Selain program ini, Arkib Negara Malaysia akan mengadakan Majlis Bicara Negarawan: Seniman Agung Allahyarham Tan Sri P. Ramlee dengan kerjasama Yayasan Penang Free School pada 13 Mei 2023 di Penang Free School.

Bicara Negarawan turut melibatkan jemputan kepada ahli Kelab Peminat Allahyarham Tan Sri P. Ramlee, agensi kerajaan dan swasta serta institusi pendidikan.

Arkib Negara Malaysia ingin terus menyebarkan maklumat sejarah ketokohan Tan Sri P. Ramlee yang telah banyak memberi sumbangan dalam memartabatkan industri seni negara serta mendekatkan masyarakat dengan tokoh-tokoh negarawan seperti beliau bagi melahirkan masyarakat yang menghargai budaya, sejarah dan warisan negara.

Kedua-dua program ini merupakan kesinambungan Pameran Eksklusif Seniman Agung Tan Sri P. Ramlee di KLIA yang dirasmikan oleh Yang Berhormat, Datuk Aaron Ago Dagang, Menteri Perpaduan Negara pada 22 Mac 2023 yang lalu.

Perkongsian mesej kesepakatan sosial yang diterapkan dalam karya-karya Allahyarham Tan Sri P. Ramlee melalui Ceramah Perdana dan program Bicara Negarawan adalah relevan dan secara tidak langsung dapat memperkasakan perpaduan masyarakat Malaysia sejajar dengan konsep Malaysia Madani.

Arkib Negara Malaysia

Tarikh : 11 Mei 2023
Emel : pro@arkib.gov.my
Rujukan : ARKIB.100-9/1/1(72)